

泰和辛酉清明後二日霜

雨後方看麗景韶風前忽見萬花凋園林一夜無顏色氣候三
春太寂寥正遇東君時作巧那看青女勢還驕生靈拔扈知難
免造化根源尙未超

落花

昨日花開滿樹紅今朝花落萬枝空滋榮實藉三春秀變化虛
隨一夜風物外光陰元自得人間生滅有誰窮百年大小榮枯
事過眼渾如一夢中

赴蓬萊狄氏醮踏曉登山

鷄鳴喔喔動精神閉息登山上湧身路惡纔分瞥竊道林深不

道藏輯要

磻溪集

去

又胃集三

辨往還人披雲直下觀東海絕頂孤高映北辰日用孳孳爲善
者虛心牢落且同塵

赴維州北海醮

溫迪空
千戶請

北極陰風渡海扇海山風物盡蕭然山陰積雪寒鋪地海上層
冰凍接天鴻鵠預辭千里塞蛟龍深卧九重淵道人守拙何爲
耳酷冒冰霜赴醮筵

昌陽黃錄醮

十月昌陽五穀饒追思黃錄建清標華燈羽服羅三殿絳節霓
旌下九霄法事昇壇千眾集香雲結蓋萬神朝從茲降福穰穰
滿一縣潛推百禍消